

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA

ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-17-4/21
Banja Luka, 09.03.2021. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu advokatskog društva „Biser & CO“ doo, Sarajevo, pravnog zastupnika udruženja „Original“ Trampina 4, Sarajevo za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

Odbija se advokatskom društvu „Biser & CO“ doo, Sarajevo, zastupniku udruženja „Original“ Trampina 4, Sarajevo pristup informacijama, odnosno dostavljanje uvoznih carinskih deklaracija za robu iz tarifnih oznaka: 8443 11 00 00, 8443 12 00 00, 8443 19, 8443 21 00 00, 8433 51 00 00, 8471 60 40 00, 8472 10 00 00, 8471, 8517 21 00 00, 8517 22 00 i 9009 uvoznika Sarajevo, a za period 01.05.2018.-18.02.2021.

Obrazloženje

Advokatsko društvo „Biser & CO“ doo, Sarajevo, zastupnik udruženja „Original“ Trampina 4, Sarajevo podnijelo je dana 22.02.2021. godine Upravi za indirektno oporezivanje BiH zahtjev za pristup informacijama kojim se traži dostavljanje uvoznih carinskih deklaracija za robu iz tarifnih oznaka: 8443 11 00 00, 8443 12 00 00, 8443 19, 8443 21 00 00, 8433 51 00 00, 8471 60 40 00, 8472 10 00 00, 8471, 8517 21 00 00, 8517 22 00 i 9009 uvoznika a za period 01.05.2018.-18.02.2021.

Odredbom člana 6. stav (2) Zakona o Upravi za indirektno oporezivanje („Službeni Glasnik BiH“ br.89/05), propisano je, između ostalog, da UIO štiti interese poreskih obveznika koji se odnose na izmirivanje poreskih obaveza, tajnost podataka i drugih interesa koji proizilaze iz pojedinačnih zakona o indirektnim porezima, kao i da štiti interese korisnika prihoda indirektnih poreza. Također, odredbom člana 52. stav (1) Zakona o postupku indirektnog oporezivanja („Službeni Glasnik BiH“ br.89/05 i 100/13) propisano je da podaci, zapisi i izvještaji koje UIO dobije kao rezultat izvršavanja obaveza po osnovu indirektnih poreza posebno povjerljivi i mogu se koristiti samo za potrebe indirektnih poreza ili za izricanje sankcija indirektnih poreza i da se podaci ne mogu ustupiti ili objaviti bilo kojoj drugoj strani, osim u propisanim slučajevima koji su taksativno pobrojani u navedenoj odredbi, uključujući nadležne sudove i tužilaštva.

Nadalje, u skladu sa članom 7. Zakona o slobodi pristupa informacijama u BiH, a s obzirom da se predmetnim zahtjevom traže podaci koji predstavljaju poslovnu tajnu poreskog obveznika zatražena je saglasnost za objavu traženih informacija od pravnog lica čemu ste obavješteni našim aktom broj: 01/3-50-4-UP/I-17-2/21 od 24.02.2021. Pravno lice obavijestilo je ovu upravu da nije saglasno sa javnom objavom traženih podataka navodeći kao razlog poslovnu tajnu.

Slijedom navedenih činjenica, odlučeno je kao u dispozitivu rješenja.

Pravna pouka: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

Dostaviti:

1. Advokatsko društvo Biser & Co, Radićeva 4a, 71000 Sarajevo (uz dostavicu)

2. Odjeljenju 01/3 2x

3. a/a

